

四庫全書

集部

欽定四庫全書

集部

凌忠介集卷

三

詳校官編修臣錢樾

侍讀臣孫球覆勘

總校官編修臣倉聖脈

校對官編修臣盧遂

謄錄監生臣梁鳴岐

欽定四庫全書

凌忠介公集卷三

明 凌義渠 撰

詩

夜坐賦傷心行

經時簷溜苦一枕自幽單低軟閨音凝淋森鬼語寒靠
今無半喜整舊帶餘酸故紙煨千條倘能持作餐

又

瞥瞥蟾光過蕭颯任風林為好真何用况彼浮與沉翻
羨惜剩滴向海酌微涔滿拚三萬日一一叩遺音

又

嚼破鹹和淡蘇卿口亦符陰晴如易卜嗔喜傍誰占等
色自覺麗等味自覺甜以石置膠中如何得久粘

又

士韻非慷慨女態非軟和個中真韻態側弁語鄉難艾
醖無時息苦瀾終自波掀唇吾未敢媿爾鯽魚多

秋夜讀甫里集

閣寒偷艷攪人清
妖倩時能扮老成
蝶翅不教留好夢
花房無復穩春情
頻搗蕙帶書空影
靜格蕉簷逼露聲
料得隣翁欠伸後
一庭痞鬼月微明

又賦傷心行

不盡幽明事被跣向何門
花房急短夢淺土漬新魂趙
姊神宜瘦烟卿語愛溫
如聞霜月裏楚楚出楓根

又

時乎聊復爾命也奈今何世局限南北情才總弟哥不
那髯似戟易我面如靴去去從誰道吾生倘俟河

又

春光未覺好刻日又春殘眷愛鶯尋夢功名魚上竿過
淮先頌橘當戶解勸蘭三復豈其語人情到髓寒

又

不記千聲苦思穿夜漏餘空林叫月鬼悶雨突羣豬險
怪敲唇硬孤清著眼疎飛黃着不了子自蟾蜍

又

草昧憑誰立隨波也趁忙騷人
工李杜經士壽王唐句
櫛頭顱禿膚清氣韻僵寒郊并瘦島掩淚問時粧

又

齧齧去來休何人忍自仇愛深苦無飾語至諒難柔暫
淚衣痕楚鼓塵鏡面羞問伊千萬苦較似死離不

又

盼得三歲了如今又幾程曉窓蓬鬢影獨夜剪刀聲凍

指呵猶澁枯燥別復生一編相對冷難道肯無情

又

身因多病劇辛苦看誰憐雨悶孤蛩夜爐青古壁前泥
他先引筋強我更裝綿咽咽難尋省留窮也覺便

又

亦欲斥幽憤如何又拊膺眼穿牆角日心脆過年燈露
逼愁紅懶難寒苦叫仍夢餘還耐忖樹底葉翻稜

又

病客腸疑拗佳人命亦同容華皆少女忍淚自吳宮
月蟲干口占星鬼一叢吞聲未了案無路踟天公

又

問易應多雨吟詩恰幾分無過是左國何處贅邱墳
齒真成我問喉喜自君讓
他頻得手絕意不論文

又

訐激原無用時才媿老成腸應驅百怪眼自惜分明
縮英雄氣叢殘薄俗情看卿真有法何法遂為卿

又

彈指廿年事離披夢幾場師心真少效鬪命亦荒唐吾
道悲魚汨家門崇雀錫新豐自瘠土何以巨鱗昂

又

俗哆工形似名存骨亦香只應署姓氏端可廢文章厯
下瑯琊在盲編腐史長茫茫千萬載但飲又何妨

又

那能逐日改何物似情孤霍玉冤多少紅兒貌有無落

花身後影午夢晚春圖君看枝頭淚無心也漸枯

又

著眼皆如此微茫信口叱海風吹落日怪鳥却殘窠入地搜天遍呵神罵鬼多卜商誠有語命也謂之何

壽李母徐太安人七袞

設恍當秋日孤心早自持蕭疎林下氣辛苦鬢間絲出谷求其友投瓊報所知听然逢啓齒以此答鴻慈

偶感

禁盡離燈怯夜闌
敗蕉零棘雨中看
分明憶得埋心苦
支領春風面面難

又

擬將何事艷花關
梳洗隨宜趁往還
應笑只緣多命薄
一般魂彩落人間

蕭園偶題北里誌

靡靡遊絲去住難
傷心槿夢壓重闌
憑將陳死紅兒面
譜與香鈿掩髻看

又

不論蘭菊有分身
捻就東皇一面春
看到曉霜隨例盡
寒香寸寸欲憐人

秋荷效李錦瑟

粉悄香乾爛不收
晚汀風薄暗垂頭
勾人嫩喘紅兒淚
蘸客傷心玉姊愁
翠袖自支斜照濕
零鈿從泛曉螢留
依稀欲夢寒塘月
怕碾香魂半面羞

又

一枝低顫倚愁眉
點點湘紋颯雨殘
朱箔任歌釵尚緩
露簷偷立唾微寒
玉兒到死香為骨
倩女勾粧淚作癰
有底心情酬未了
涼蟾還似趁幽單

又

強依初日暫低濛
半剪顰痕損未工
翠梢殘驚墜葉
蜻蜓貼久穩迎風
閒攬江芷留鞋淺
醉倚唇絲亞影紅
隔岸如聞楓露瀉
濕螢差坐語叢叢

又

姮娥嬌擁兔輝眠，殢臉輕漚欲暮天。
午睡可堪留墨竹，臨春親與試花箋。
香樓翠琢憑誰主，割水拖脂漸可憐。
恰憶當年舊錦襪，郵亭相傍數金錢。

晚步

拖陰花委艷漏霧，月留痕遠渡排燐尾。
孤螢躡莽根憂，喉詩鬼債店影女兒魂。
一派蕉風澁輕綿，手自捫。

又

齧齧復喁喁，留題却幾封。
靠人羞鸚鵡，潑毒懶蜈蚣。
率

爾夢中語依稀病後逢孟郊如不死塌耳古牆東

秋夜

一般蟲韻攪誰酸灰死鑪歌共懶殘饒盡人間惆悵事
小螢衝月掠叢寒

又

絆雲偷影玉兒神楚楚宮釵月到門祇恨抱香同一死
幾多風焰唱嬌魂

又

擘將心事懇來生
首尾傷心湊不成
點點明河寒似水
教人著眼怕分明

又

織病縈愁未解歡
秋肌不檢五更寒
是誰消得無明淚
墮粉零脂濕牡丹

夜坐東藩右安閤園客

六月疑徂暑微涼早襲余
讀書承以暇茲夕專其餘
靜置影形幻落然相與居
遲君此時意語嘿諒何如

又

未覺有餘思皆因靜後生百蟲紛欲語秋意淡相迎寒
照纔能續悲歡以次平靈根須共惜辛切見交情

七夕閨意

纖指親能授微誠得暫通小窻勤夜祀盆水瀆餘紅徑
靜人稀後非花非霧中偶然成映帶兒意逆相同

沈令升目疾訊之

殘暑未遑却新涼日以幾閉門兼理疾酬答雅能稀五

色紛為役一燈寒更微期君聲影外
瞑坐見因依

夜半館中

拈書亂首尾靜聽少傳籤僵月衝人影
叢枝颯鬼髯燈昏陪鼠坐壁冷看蝸粘
亦覺撐眉苦離披到枕甜

壽丁母

襞綵衣還剪書彤筆合丹明蟾窺夜杼
紡緯叫霜欄覆畹芝全茁銜沙竹透癰
春韶看幾許容易勿叢殘

又

暖閣嬌新燕閒窓撲小蠅
盃擎靈壽節眉禿遠山稜
天語夜深倚香輶取次凭
無因擬百祿拭眼照掀騰

題舅氏閔康侯一草堂

偶然風緒愜浥浥片心降
燭冷清連曙吟餘梵寫腔
荷鈿開曉鏡蕉露亞秋窓
底怪穿櫺月移人影半雙

又

閒情紛怪治文几漾高危
書以等身僻竒從一事知
種玄揚地宅押韻李門檣
靜倚沾茶候芸籤總懶窺

兩頭纖纖

兩頭纖纖看尾拖半黑半白影摩挲
膈膈膊膊綴寒窠磊磊落落看誰過

又

兩頭纖纖姬姓分半黑半白秦皇嗔
膈膈膊膊項羽陳磊磊落落沛亭人

又

兩頭纖纖筆墨勾半黑半白闌中人
膈膈膊膊六街塵

磊磊落落懸淚新

賦得薄命詞

倦倚東風兩袖斑
臨歧不盡水潺湲
題殘紅葉春誰主
低損成都翠幾彎
鳴鳩也知覆百草
絳綃長得護朱顏
傷心拍遍無人會
個是楊家舊阿環

又

叫斷行雲憑借梯
孤情燈箔影淒淒
相關不淺江湖淚
是處平分桃李蹊
明鏡也知羞屢照
落英敢復怨飄泥

殷勤為語章臺柳一任羣鴉傍晚棲

又

裝雲做雨總堪憐色借芙蓉也自妍幾向朱門窺贈枕
時聞月下整輜輶不愁入眼春無態祇恨穿花蝶作緣
記取醉餘人散後儂家合比夜舒蓮

又

羞把腰身傍六街自緣命薄遇時乖前身誤逐風流隊
此日新鋪烟月牌筆筆遠山生黯黯聲聲綠綺奏淫哇

看誰解作東君主寂寞梅根古玉釵

又

參參逋髮為誰盤屏上腰肢作意安
殢雨牽雲渾欲嘆
同牀各夢好相干佳人隱語芙蓉笑
蕩子相思紅豆看
箭作風流石作侶于今擬是望夫難

又

望裏春山聳復低依依眼角轉淒迷
樓空金谷花無主
柳暗章臺鳥亂啼
誓許三生諧半面又愁白日惜分飛

可憐的的笑蕖藥也照清江也照泥

又

饒他韻格總天真
隨喜隨嗔另有神
遮莫紫釵窮霍王
都緣紅粉誤東隣
夢迴短帕新題燕
袖籠餘香本姓荀
為怕洛陽人看殺
一枝聊復濕風塵

又

倦扶玉頰強為情
枉把雙蛾累此生
月下歌喉花下酒
秦樓吹瑟楚樓箏
傷心夜半留題目
屈指年來幾姓名

任爾回頭饒百萬料伊還念馬長卿

又

含嬌嬾著黛螺烟
朶朶菱荷倚日鮮
薄倖總慙荀奉倩
微名敢傍漢伶玄
粧噸做笑風流減
種柳栽桃義士偏
猶恨古生仗劍後
壚頭春色少人憐

又

彼美何人天一涯
菴羅到處謾隨車
強調朱粉猶疑夢
乍聽笙簧冷自嗟
便道折來花有主
憑誰做得玉無瑕

回眸不盡蒼茫色踏踏芳茸過幾家

又

搔頭無奈語譫癡贏得嶢峴骨幾支蘭玉終須隨百草
鳳雛久矣怯寒鴟人間不少合歡曲何處偏歌薄命詞
閣筆茫然天地老斷腸元不為些兒

春日漫興

一番風雨一番塵眼底韶華夢未真面壁祇應書怪字
題詩久矣怯花神誰當壘魄思澆酒自領閒情擬賦甄

解道隨緣無不可少年容易惹顛嗔

又

浪花溪柳總紛紛箇裏連綿日易曛到枕幾回抽冷焰
窺銅親與押愁紋偶然會意憐三笑不為逃禪斷五葷
拚向南枝隨偃息窻前百舌欲何云

又

局中應自混妍媸怪雨盲風任所施不信無鹽饒半席
也知西子葬江鴟恨餘趙氏孿生女腸斷楊家大小姨

一任蛾眉多薄命粧成骨瘦悔蛾眉

又

聊憑短几決行藏墨染楊岐祇自忙試看眼中誰故物
那教看畫不時粧棘闈射覆如骰子藝苑留題是孔方
彼此一般無證佐暫扶紅額上排場

又

生來韻格故崎嶇欽檢點時賢媿少歲第一生涯惟賃殖
最無回味是書淫守慳未必非完策謀食終須負苦心

莫怪昔人貧徹骨昔人容易侮黃金

又

為瑟為竽調轉孤文章千萬一葫蘆幾人能識真李贄
到處偏爭假卓吾每聽風聲思吠影時留黛粉學粧孤
憑誰盡掃塵霾路萬里霜天湛玉壺

又

中原鞭弭許誰先為愛雕蟲道轉玄自昔文章重江左
即今芳譽貴臨川巧搜法象開天手別運思維上水船

何物腐儒頻縮舌生來元不受人憐

又

造物何心妬復慳憑誰叫轉小兒天好花長得陪粧面
錦字時能富酒錢無象太平春共醉有情夫婦月同圓
更須撥盡周公禮日課南華第幾篇

玉兒怨

蕭家天子搯花心田家小兒癩麒麟窩雲委墮拋香頸
雙尖折折到宮門瘦影剪肌何所似薔薇厯亂啼幽素

春魂一線背斜陽
兩兩遊蜂浥寒唾

無題

剖分縷血為新聯
文到精暉嬾作椽
直是琵琶輸飯甌
個儂無賴老臨川

雙節詩為劉竟澄工部賦

派近餘溪水澄寒
君自知溫風及宿
草濃露遍新枝兩
世心如結孤生淚
易滋冰淵凜日夕
念念是孀慈

和劉同人燕中即事詩

賣衣

豈有裘和葛冬春共一囊
新裁揀入市敗絮任堆牀
已自甘由緼誰堪裛
跼香我私忍便棄慈母澤難忘

賣貂帽

心怯長安路艱難備一貂
追歡曾幾月拋冷只今朝
膩紫迎沙透香茸帶雪嬌
跨驢頭憂憂買酒亦何聊

賣書

雙管校每終夜丹黃不安研
購來時倒廩換去可論錢
好

托知音在免隨故紙捐奇編難再值追昔已徒然

賣鏡

愁多久罷焰出匣影濛濛梳裏聊為爾冠巾奚取同伴
衰惟鑷白配艷好傳紅圓缺都無意他年未擬通

賣筆履

二物雖兼售何能遂濟貧攤門殊瑣瑣搜篋已頻頻
客需誰健針工整始新酸寒君莫笑湊作杖頭緡

賣劍

龍淵辭我去牀頭分外孤何人占寶氣枉自擲泥塗俠
節能酬否儒裝解佩無猶疑中夜嘯酒醒輒相呼

友人席次間楊維節白下訃悼之

剪燭更闌話未休俄成悲悵向虔州心爭短晷常疑佛
力盡危條可耐秋哀爾積思何太苦念予住世倏如浮
推誠濟物天須惜豈有斯人不暫留

同吳磊齋集湖舫時寇陷中都有投鞭江流之意
同官悶悶欲何之此日堤橋坦步時但及世情須掩耳

儘茲天氣好舒眉
醵錢布席交賓主
從衆觀場混喜悲
不覺聞歌中坐起
太平樂事得頻追

舟宿京口

城烏遶堞怯高寒
徹曙嚴更聽未殘
骨肉輕離千緒結
圖書穩付一肩安
厭兵漸覺愁江叟
轉餉仍聞急縣官
真愧蚩蚩籬壁下
遠行待吉始知難

揚州住一日警報未息城守猶嚴

雷塘半暝月初出
迎鑾荒址未全失
百萬釜魚幸脫鉤

朝來顧影猶戢戢用物太盡神所窺此方誨盜豈一日
趁茲收拾已云晚牢鍵重城如勿及急管繁絲咽不調
雜草媽花嘆在室向來穠羨何可常天意移人在蕭瑟
遺髮詠偶感唐人歐陽詹鍾情事擬為之

桐花散落無消息開絨猶裹片雲濕膏膩消盡不復存
剩有紅絲慘灰色小小幻綠過則休孰令此孽繫心頭
偶然觸手同苔石鏡裏釵邊若可求求不得亦辛切歸
火歸風烏可說憑持一繚漫招魂野棠飛墜茫茫月眼

看百物幾回新絲絲颺去未足論肌肉已知耕作土半
鬢能保不隨塵

抵家雜感

我居未定不須論泊岸移時又出門愛傍親幃姑近市
言歸舊族只依村寄人廊廡籬偏綻曝向餘冬日漸溫
閱盡枯榮五載內徘徊庭際亦知恩

又

久出思歸念自真乘秋初不為鱸蓴眼前大宅皆新主

舊日藏書即古人偶竊虛名來剝啄多因細務奪精神
閒時慣說家居好百感茫茫負一春

盛靈飛以訪吳興山水至余適自楚歸雨中留飲
如茲好事見何曾擬伴同遊適未能得句口忙頻授子
尋山路杳輒依僧情悰離合恒三稔語話連綿共一燈
偶及湘天清絕處愛君酒趣亦旋增

德藩內苑觀白鸚鵡

綠衣誠自賤雪色表奇姿留項裝金粟傾身抱玉脂當

筵花暫放見客語偏遲潔美堪誰儷君王知未知

飲廬德水杜亭用其原韻為贈

亭合祀子美五
郎二杜先生

十載間居戶屢局開樽揖客有斯亭如憑俎豆通今古
豈止詩文備典刑念子精勤不暫息問子浮情幾時惺
滔滔末俗存孤簡竹石無言氣自青

午日東平道中汪孺石自濟上馳訊并示近刻

倥匆漕輓日相牽偏有閒心問客邊熱不因人仍落
官思稱職獨勞賢江帆夢熟隨千里池柳風疎又一年

節屆蒲葵成獨醉朗吟新句亦陶然

夜泛大明湖

數曲城隅水悠然別有源嵐光偕晚靜澤氣與秋屯小
船寬于掌芳洲環似盆葦乾聲乍起菰爛韻無存一任
風掀燭徐當月滿樽沿洄隨所向近遠詎須論

楓亭驛荔枝數株甚古云數百年物

經誰手植古亭邊宅近端明世所傳不染烟霜膚更澤
獨超塵劫氣恒堅根蟠蒼兕疑掀地焰發紅雲直透天

多少瀾翻人事內秋風篋實自年年

雨阻海州公署

昏黃海氣日霏霏灑到枯枝綠暫肥夢繞君親徒內訟
路逃去住可忘機晨趨野市魚蔬絕夜伴孤城鳴吠稀
賴是數編相對寂舟輿到處足因依

歷下官署雜詠

即此稱官隱俄延遂一周俸錢差不薄飽食尚何求靜
几香堪炙塵牀印懶收本無遷客意行住總夷猶

又

熙朝公事畢盡屬閑門時歲儉民無訟官閒吏苦飢下
帷理舊業課子得新知兀兀童心在猶堪角技為

又

忤時久不調轄地復荒殘蹇滯非無故暄吹信有端長
途各努力相識盡彈冠古道望知己無為嗟路難

又

出門何所見閭井盛蒿萊白日飢飈竄中宵妖鵬哀編

蒲姑聽政插棘且掄才版築興何已秋霖處處災

又

煽亂尋常事蚩蚩寧莫懲聚徒今水泊祀賽古東陵
列寨環相守雄渠非一稱賊除民并盡天意果何憑

又

生逢流極運無路得潛逃骨肉忍相噬賢愚共一蒿腐
屍爭鳥啄怨魄學狐嗥精衛思填海區區母太勞

又

靡子成真譜詩言宣盡誣全家委夜壑深巷慘啼烏版
籍空名在田園多半蕪紛然漕使出猶議急追逋

又

曾將一二事妄擬飾昇平未信時年好稍憐顏色羸佛
龕添梵響村塾有書聲止此足稱瑞怡然慰莫情

小飲盧德水齋中

知子避人久為予勉送迎主賓倉卒事蔬果澹交情執
手言無次開懷量已盈出門仍眷戀愧羨一時生

阜城道中寒甚見霧淞匝樹記之

非霜仍似霰一夜遂封條
暖暖雲垂幕稜稜凍拆膠
天公善刻畫世界等飄蕭
映日珠纓絡迎風玉步搖
參差漾水碧遠近障水綃
玄圃熹微見晶宮想像描
編璣貫棘刺屑粉徧林翹
繭散矜初麗花騰惜早凋
災祥隨地驗兵疫幾時銷
曷禁憂如灼衝寒轉鬱陶

進士顧君乞假歸省徵雙壽詩

策馬東歸及早春斑斕初換錦袍新
家風葵菽宜幽雅

仙路蓬瀛接紫宸
母德類鳩懷七子
臣心如水報雙親
餐芝餌柏尋常事
義訓忠規不可淪

頻過大明湖

寺圯湖存溯始終
古今明晦不相同
四周山翠排闥入
咫尺溪灣覓舫通
香滿靜池饒雁鷺
蔭分客館列楸桐
非關亂後遊踪寂
攬勝前朝久已空

詠半開花

會稽章有四姑姬徵詠
余弟長康有作和之

濃香清發曙光初
纔向人前又怯舒
會得個中矜重意

風簾月幌與躊躇

又

不用歡場羯鼓催
徐徐流影映春醅
笑嚙藏露渾難定
偷揭輕綃看百回

又

乍開乍翕總天真
孰識前因與後因
屢向夢中呈婉孌
東皇未遣露全身

又

紛紅駭綠竟如何
瞥眼韶光一度過
休訝含胎頻自惜
殢人香艷本無多

凌忠介集卷三

欽定四庫全書

凌忠介公集卷四

明 凌義渠 撰

使岷詩集

潞河初入舟

夙昔邁征意黽勉敬其儀仄行無坦步扣策策已疲天
高不可恃誠心易受欺轅奔而舟覆孰為辨夷尼以此
迭相攻躁擾纏心脾乞我一盃水亦足朗鬚眉矧茲百

斛舟穩載何弗宜乍可佇涼月兼能延晚颼隨檣雲光
轉逐岸蟬聲移紆徐鷗鷺側晝寢夢故怡忽念長安道
赫赫罩炎曦幸收日下影來此河之湄無乃世網密復
言某在斯

侯豫瞻贈長蘅遺跡一小冊舟中展視欣然

曠士無近思舉體照林岫涉筆取自娛澹拂亦凝秀尤
深山水情形銷理則壽愴惻記君懷恰恰為余守捐愛
見心知投贈憐手授在余猶在君過眼等波皺襲玩未

云癡摩挲宛如舊小景森衆容微茫皆可扣坐我炎伏
天涼光起前後

汪如石以南池十詩索和依韻荅其一即為贈

古池兼勝友其奈欲歸船溜急何方雨秋喧幾樹蟬引
泉接衆力留詠發高天澹約真吾事同君守一瓊

酬汪如石見贈之作仍步其韻

多君相問及征軺葉葉長帆去尚遙澤阻三秋頻北望
風生六月自南飄總饒賈傳誰前席且倚湘靈學和簫

君父等恩堪共省其咨滿目嘆誰堯

夜泊梁王城遇大風雨

落日趨山如更迫散影水面光凝赤眼見津迷路不擇
荒磯獨泊孤舟客盜賊時警意外防有無聲息來相嚇
妻孥跼縮聚一艙幾度臨盤不能食無何檣角一風微
月黑不辨星復稀隱鱗雷聲遠耳去百道電火光及衣
夾風雨勢騰空起倒翻惡浪篷窻裏舟人力盡護櫂牢
猶自搖搖蕩不已既懼蛟龍挾船飛兼愁鬼物將何徙

到此安危可無論
歛襟嘿坐意存存
牀頭有燭且弗息
夜久風雨亦逡巡
人生禍患良難戢
濟險如夷視所習
已拋百念都懺除
失舫中流此獨急
昨夜罡風何處邊
五更回尋自嗟咤

河行即目

生涯一葉等微泡
天際浮空黑白淆
竈下遊魚羣入釜
梁間乳燕不歸巢
沂深既畏篙難進
駕淺還愁舟乍膠
獨夜蒼茫情更怯
暫留初月到睂梢

又

撼地殷天勢欲吞
蕭蕭竹管繫何門
荒祠古像隨流塌
郊屋窮黎逐水奔
涼窶不堪裝更薄
縱橫怪爾盜猶存
風波咫尺艱如許
竟日沿洄只遠村

又

點點遙山蘸碧螺
晴光共喜客帆多
魚梁約水依痕減
鴉陣排檣帶影過
索食神巫爭上下
舞蠻小妓學婆娑
驚濤乍息魂猶悸
漸及清淮放棹歌

又

滔滔不住日喧飀泊岸何時首幾回在垓鶴猶知雨後
退飛鷗亦避風災身淪弱海迷難渡眼認浮漚幻結胎
悟到一舟奄忽盡形神假合轉堪哀

予後舟遇風湊淺
霎時壞盡。古詩

云形為渡神舟
泊岸當別去

雨宿含山水心亭

微溜垂檐隙蕭蕭倚柱聽百蟲吟砌黑古樹覆燈青暑
意當宵歛秋光與水停暫來仍夢擾何以祛塵冥

柘臯道中

扶泥滑滑徧蒿萊，盼到新晴眼乍開。
一抹濃雲緣嶺去，數灣流水遶圩回。
山民頓見風還古，名勝猶疑誌未該。
輿中偶閱
巢縣誌 屈曲從輿高復下，褰帷敞目亦悠哉。

潛山旅舍

滿酌聊將濁酒酤，行行轉復怯前途。
四圍草樹兼風猛，一帶茆茨照月孤。
饑鼠欲來燈已暗，啼蜚不徹夢全無。
可知一夜寒侵骨，纔說經秋意蚤枯。

青口驛樓午眺

萬竿森竹倚垣稠，隔浦看山山更幽。
蘸筆當窻風乍起，一天行色正宜秋。

重過茶池亭

予丁卯歲過此留題三絕句

驅車往復此山鄉，列嶂參差亞短牆。
一掬冰稜添茗苦，半凹石路帶楓香。

前有楓香驛

誰同遺老銜碑冷，好續前遊

引夢長。墨瀋重尋俄八載，暗中星火照人忙。

中秋廣濟公署同文胎僊夜話

胎僊家在長沙亦以封使入楚

勞勞于役各相牽望月停車適後先客裏兼程無好節
夜深秉燭亦良緣愁君河路曾同涉指我衡峰蚤欲前
無數清光瞥眼過一庭倘許到流連

期趙生家演來晤

莫雨入疎篁暗泉吐清樾持茲荅文心蒼寒那可說唯
君十指中鏤成山水窟清痕刻欲枯異趣搜將竭同賀
兩詩魂夜深猶未歇念我識君時瘦影雙突兀于今復
幾載筆尖垂垂掘誰能饑不愁忍心事薇蕨相望十畝

間寒光轉荒忽携爾苦吟身同寄晚秋月

夜渡浹川

恰逢滿月漾波寬岸火葦燈望若攢休遣榜人喧渡口
一時掣破暗生瀾

自團風鎮沿江西行

未及涉江去迴環此眺聽涼秋涵一曠雲物何泠泠浪
偃磯初落風遲帆乍停芋田耨後熟藍圃望中青挽罟
依沙岸懸帘截水亭斷葦生遠響叢芷發微馨目極俄

傷晚千山不一形霞光隱日脚青紫界蒼冥勞生會有
極動者亦云寧吾行適未息催火出林垌

陽邏魏小韓留飲

隔別無幾月相見亦匆匆情關離合際官託有無中當
坐頻窺日過江穩趁風欲留誠未暇一飯不曾終

過山陂驛

疲馬殊難歇荒亭此暫淹密林連渚黑疎牖射峰尖蕉
葉濃浸几薇花高映簷蠅蚊逐砌亂蛇鼠入堦潛旅爨

移時促秋心向晚嚴衫輕涼乍怯酒劣濕難露前路來
無已流光去若兼夕陽看漸下急切到山嶺

雲溪道中

峰峰挾勢互奔蹙倒落平懸危地軸喬木千章隔日光
時于缺處度微旭濛濛霧色書為昏蘿樹交氤氣方燠
過眼雜花莫識名遶澗藥苗豈一族從茲取徑及小橋
稍見青烟吐茆屋何處哀禽啼復啼竦立斜陽聽幽獨
微雨

一雨飄何向因風不盡同幽涼起暮色迷漫結秋空冷
鋪投鞍入荒山覓路通隔溪烟縷縷愁望是湘中

雨行長沙

夢遶江離已半年歎來秋閨接殘緣白沙赤岸真相渚
洩霧蒸雲赤楚天愁看數峰迷落雁驟逢一雨失鳴蟬
心情向此翻無着但認孤光即杳然

又

日從山表見江空側影帆竿處處通巖桂冷飄時送馥

渚蓮寒盡不留紅，小輿衝過烟隨合。
衆鳥飛還意欲同，暝色漸深驛路晚。
好將崖壑辨西東。

山館竟夜雨

古壁淋漓畫粉禿，酸風四射燈光促。
野蔓穿垣遂及牀，窸窣衝衣一蝙蝠。
猶記昔人戒夜食，空山安知無異物。
潦倒濁酒與藜羹，卧聽檐滴接天明。

湘鄉一路苦雨漫賦十五韻

連陰久未厭，雨脚又紛紛。
何處藏微照，經旬布密雲。
暫

明還復暗垂緩更愁殷不霧天如暄非煙氣亦愍罩來
山悄悄過去水沄沄苔藥香無次松杉溼不分石岡牛
自遶汀渚鴨為羣斷梗牽郊舍寒花綴野墳林巒蒼可
悅室遠浩無垠及茲未亭午俄頃即斜曛樵子扶藤弱
牧人荷笠勤依叢喧細鳥戀草聚餘蟲山店門關早僕
夫酒到醺淒清陪永夜輾轉望初昕漸覺蟲思短幽幽
獨我聞

永豐館歸夢

遠從雲際見江楓
是夜歸心得暫通
路接艱危魂更怯
風吹斷續話誰終
幽人早覺田園好
遊子兼愁霜露空
無限秋思蛩喚起
驛門孤閉亂山中

邠州逸西三百里
峰壑遙深蘿木邃
密行數日觸緒皆詩

脚下盡山山未登
遊情忽忽歎無能
何堪拄頰西南望
引入蒼茫一萬層

又

風波觸夢久相安
那畏磯頭八節灘
想到舟行幽絕處
溪光還似月光寒

又

年來徭賦亦多機
石壁畚田息更微
賴免流亡薪米足
山村人少爨烟稀

又

一陣寒鴉噪晚空
半隨返照入青楓
行人莫覺流霜早
眼認重來樹樹紅

又

白雲堆裏藏三戶
蒼黛光邊漾一身
戀向深深成幻杳
夜來幽夢恐傷神

又

淺灘平架魚牀穩
亂石歌懸猪柵牢
不用籬垣深自蔽
梭陰竹影覆周遭

又

暖烘香霧夾腥風
草蘂千般氣不同
莫怪秋深餘瘴熱

圖經元是古黔中

又

崎嶇不盡日間關
抱得深心與苦顏
若更耽奇從此去
漸分鳥路入溪蠻

武岡東塢寺見柳栢數株

形類何紛紜耳目亦難悉
炎方氣候殊草木更雜出
曾幾柳栢名于焉辨其實
兩樹合成身貞心而脆質
裊裊亦森森涼月徘徊入
拜舞低趨風陰翠凝如溼
鶯燕弗

錯投鸞鳳肯安集我來古壩畔尋思久佇立豈抱衰季
心不敢倚孤直弄姿霜霰中茲理誰能測

入雲山路觀水簾

初視遙空一線冷徐覺有聲兼有影略轉數盤影復藏
但聞石怒波狂騁豁然如月透蒼生絲絲脉絡盡分明
苔滑松欹不敢往躊躇掬影空爾情靜想源流失起落
萬丈懸崖永自托幽響能驅白晝寒夜深駐聽何其難

登一角峰頭

眼光及天耳垂谷密絙懸輿踏室曲步步寒痺不能言
稍見陂陀息初屬萬點晴光遙起滅散亂白雲若沙雪
一氣中遙楚粵分下界浮烟酣如結久立獨覺此峯尊
餘者碌碌不敢繫別聳遠峰勢疑爭劃天拔地劍銍青
人言搔戶窟其下有門雙峙矗若屏石門進可幾十里
黑箐黃茆互表裏慨然飛陟奈途窮收召精魂自此止
雲峰茆棚老僧詩

偶過峰側看雲起突遇此僧朴可喜辛苦結巢雷雨邊

從容覓伴虎狼裏經年食淡茶一盂近取盧侯兩家水

旁即盧侯二仙煉丹井

導之募施久不應向客低頭勤作禮百未

叩一即辭去忽忽嚴冬早闕慮雪壓風號棚盡掀爾時僧復歸何處

閏秋十二夜宿勝力寺看月

萬嶺遙將合諸天此獨尊孤光艱一吐石壁限朝昏影動藏何鳥聲來聽似猿久居僧夢坦併不設籬樊

又

如伴一峰宿衆峰盡悄然此時下界望夢夢即高天佛
火青留壁松風冷觸泉推牕心忽動恍恍在層巔

石麟巖

廬本潛垣長有
詩遂次其韻

山情岢岢來無已陡見稜層又此巖怪石亂垂愁割面
溼雲低度欲蒸衫如麟墮地空凝想有竹當樓且免芟
多少好峰藏不住時穿片影入叢杉

岷王製詩餞送行次西橋步韻呈復

祥雲片片逐征車袖得葩章與錦書千樹濃陰垂午旭

一簾垂籟散秋墟剖珪恰值桐飄後酌醴還深月出初
帶有餘酣隨夢遶郵亭不擬賦離居

又

程蕪水陸接舟車夙夜擎拳此簡書三咏緇衣藏世牒
重聯棣萼照郊墟梁園宴罷羣峰晚湘浦帆停一雁初
坐擁紅光非不戀別添幽夢到山居

嶽遊不果途中悵望累日

營營衰俗內側身想初古古嶽接一真有物寄吞吐氣

象開祝融餘峰或可數敢蓄遊玩情欽茲以自輔仰思
夜難終寂憇晝方午一杖尚能携及時力為努止爭數
日程疾走亦何補浮生牽弱緒動息不自主長嘆謝嶽
神微神竟焉取再來是幾時當憐意幽苦

遊嶽麓

嶽勢綿綿遠將歇我遊於此發其端因悟高厚不自息
隨脉浩衍生波瀾首尾一氣相原委中藏岑壑何巉岼
近量一江平且狹俯臨衆岫鬱如蟠松栝修修當午直

茅蕭發發受風寬磨錯崖光置碣古徘徊石路守僧殘
却輿緩步隨行止森竦參差非一觀有意獨尋不挈侶
倚石攀枝耐久安忽過片雲迎面溼冥濛散入數峰寒

問道鄉臺故址

宋直臣鄒浩流寓時
所築今頽圯畧盡

昔賢尊獻替自然名根除流徙不足道所貴懷抱攄德
業永山川敢言乃其餘有臺高千古廟貌存形模煨煨
幾百年到此已疎蕪莫誇此臺立諫院氣色殊莫嘆此
臺廢言路精神孤廢興別有託此臺豈吾廬悵立荒榛

外內訟何可無

下麓過江突來風雨

拽篷蔽身亦草草兩岸葭蘆互傾倒盡收山水入雲囊
積翠浮藍渾若掃隨風欹側一篙還石尤無情如見惱
自是夙昔愛瀟湘危墮烟邊尚覺好

漁舟詞

江心一舟纔如掌來無所從去何往已見滾入急浪中
忽然湧出潮頭上一天風雨正狂顛匝網水底信風牽

恍惚浪與舟為一舟有起伏浪隨圓觀之既久漸愁感
搖簸遠空如敗木不信蓬筍覆重重中有漁翁睡方熟

渡湘江大風

江容未可狎難測是秋深碧處俄成黑晴天亦自陰跳
波穿及面碎石過驚心雙槳愁無力回旋只近林

洞庭湖

瞿然賊顧心靡止以目追目晶光起未信長天散作烟
獨愁大地消成水日月停輪遲不飛委墮中流流無已

淘瀉世界入玻璃表裏通明八百里雁影鷗羣豈易留
白蘋紅蓼將何倚百靈出入閃物象曉暮陰晴盡波詭
含嚔孰辨古黃陵廓落孤懷乃如此

湖口望君山

黛螺一點寄清都映入微茫看欲無匝地雲濤晚漸合
沉沉片影不勝孤

又

幻成蜃市偶分明有處居然通鑿耕虔奉湘君君一島

緇流漁戶即編氓

又

塊阜曾聞接水宮有無靈昧古今同心知未得乘流上
但看帆帆趁好風

又

孤光戛戛驟能安萬疊衝波洩不乾未免替愁風雨夜
魚龍挾去恐非難

晚登岳陽樓

浩淼將何極登臨若有端憑軒不覺莫湖氣壓城寒細
雨侵雲去長蛻抱日殘如聞帝子瑟夜久渡艱難

次早重登岳陽樓

朝光千里豁到此不能還秋向何方老波從今日閒情
魂屢欲換哀樂默相關亦有堪依處茫茫湖畔山

岳州二喬塚

志云在府治
北廣豐倉內

家住東吳魂寄楚寂守官倉一抔土即看叢祀遍湖湄
恥為幻惑親酒脯香囊繡帶已如塵累劫豈猶戀殘楮

生前挾壻各不俗何日同携永歸處含情艷向姊妹花
月明娟娟相爾汝

蒲圻咸寧間夾徑皆松枝鬣一一如畫來往其下
咏之以詩

衣履青搖搖有松罩前後疎幹意已超稚節光初就老
者態更饒盤蹙霜皮皺將垂忽復仰傲朴且矜秀畫本
不足云取勢學篆籀來窺是何物隔枝蒼鼠透却顧百
里間烟翠列如繡參錯衆草木陰雲暝白晝覺我面目

殊松光共堅瘦

初晤劉濟甫喜有此贈

江夏有劉子避名名附久自顧數年中在心復在口及
茲始一晤出迎已恐後靜致即可通深衷未及扣投我
詩一章清真無膩垢投我文數編益損如積阜汎愛強
相親知子不苟受堅苦抱短繁志氣達戶牖更聞內行
篤謹身以事母文行期能似似之惟其有江漢日滔滔
才難夫豈偶脫落心口緣相與呼吾友

譚友夏邀同劉濟甫汎鸚鵡洲

銜杯意已倦獨喜就君舟
兩岸孤泊三人成共遊微
酣如欲語久客亦生愁
傍晚烟隨合洲邊瑟瑟秋

鄂城臨發龍夢先適至

昔年發蘄上為君留半刻
此日重晤君行裝復孔亟
相慕即相逢相逢宛相匿
睽合久暫間因緣不偶值
我攜三湘烟君袖九峰石
蓄意各待申登車始惻惻

易曦侯率其伯叔二子諸門人見過

一笑宛如昨蒼然揖古儒談諧仍未減感慨不能無子
弟環相侍詩書抱欲枯借君媿素飽誰謂伐檀孤

濟甫追送齊安風阻江干不獲再晤對使寄諫

依依間署覺心遐感汝拏舟不住家為怯風波惟抱膝
偶傷遲莫忽長嗟相期國手三年艾休羨時人一日花
正使明朝江可渡誰堪數語即天涯

沛上詹卓爾同金卜公丘景庭官綏之諸子邀集

齋中

雅抱清衷各自專一燈欸欸若為緣交無新舊期能篤
路繞山溪不覺綿菊向道途送九日茶留情韻入三泉
時以蘭溪水烹茶即難從此際商來約散立中宵月半
陸鴻漸第三泉也天

玄素宗侯就晤梅川小飲四高樓上

予客蘄上時
借寓玄素儿

山閣

相逢意外忽如新把酌仍然舊主人滋味久能知我薄
茶蔬當下見君真授衣未卜寒侵晚倚檻同看葉落頻

猶憶几山花石好再經轉徙是何因

三過黃州而不遊赤壁補一絕句

豈必江山尊兩賦蘇公乘興偶留思我今日抱黃州想
既到何如未到時


秋林

空林抱霜歸靜者知其變紅紫既以繁蒼黝紛相眩色
中更設色淡濃隨類絢高下疎密間頓使眼波幻強擬
作春花目前亦幽蒨熟視多死氣自然難久戀艷艷復

淒淒巖風吹更綻
譬若燈垂滅
猶得一回燦
猛思萬綠
光無端發深歎

贈合肥令熊公遠

問友沿途意相關
即退尋知君多綺思
暎我復冰心暫
主巢湖月遙追
太古琴為官
兼手口亦不廢
微吟



凌忠介集卷四

補遺

春日次陸天隨韻寄潘右安

重重簾押晚氤氲滿幅春箋半泥君剩有蕪香堪共碾
閒翻梅翅幾愁聞鶯啼落藥干枝夢燕佞雙襟一縷雲
掠罷宮鬟須對照還誰品過婉兒文

補遺